

Kem Mumtaz Lughawi 2025 Perkasa Penguasaan Bahasa Arab dalam Kalangan Murid KAA SSN SMK Mutiara



Labuan, 12 Julai 2025 – SSN SMK Mutiara sekali lagi mencatat sejarah dengan penganjuran Kem Mumtaz Lughawi 2025, sebuah program intensif yang dirancang khas untuk memperkukuh penguasaan Bahasa Arab dalam kalangan 188 murid Kelas Aliran Agama (KAA) dari Tingkatan 1 hingga 5.

Bertempat di 11 tempat sekitar SSN SMK Mutiara antaranya ialah Dewan Semarak, Surau Al-Marjan, Makmal Komputer, Bilik Sains Sukan, Bilik Kemahiran al-Quran, Makmal APD, Makmal Bahasa, Dewan Arena dan Kantin Sekolah, program yang berlangsung selama sehari ini menggabungkan pendekatan interaktif, rohani dan akademik dalam membina

kemahiran mendengar, bertutur, membaca dan menulis dalam Bahasa Arab. Di samping itu, program ini turut menekankan aspek pembentukan sahsiah, kepimpinan dan kecintaan terhadap ilmu agama dalam kalangan murid.

Majlis perasmian program telah disempurnakan oleh Naib Yang Dipertua PIBG SMK Mutiara, Encik Kifli Ag Anak. Dalam ucapannya, beliau menyatakan rasa bertuah kerana diberi kepercayaan untuk merasmikan majlis yang penuh berkat ini. Beliau turut menasihati para murid agar mengamalkan segala ilmu dan nilai yang diperolehi sepanjang program ini, serta menjadikan Bahasa Arab sebagai alat pemerkasaan diri dan keimanan.



Encik Kifli Awang Anak menyampaikan ucapan perasmian pada Majlis Penutupan Program Mumtaz Lughawi KAA SSN SMK Mutiara 2025.



Puan Roziah menyampaikan cenderahati kepada Encik Kifli sambil diperhatikan oleh Ustazah Nur Hidayah dan ustaz Mohd Fadzli dan ustaz Zainal Abdul Wahab serta ustaz Mohd Saifulizzan Mat Yasin pada Majlis Penutupan Program Mumtaz Lughawi KAA SSN SMK Mutiara 2025.

Pelbagai pengisian menarik telah dijalankan sepanjang program, antaranya Mahattoh Zakiyyah yang memberi suntikan motivasi dan nilai kerohanian, serta perkongsian Inovasi MUJUSHI, Kit Fifgure dan BILAL yang menampilkan kreativiti dan penguasaan Bahasa Arab murid secara kompetitif. Program ini turut menyelitkan aktiviti berkumpul, solat berjemaah, makan beramai-ramai, dan majlis penghargaan.

Penolong Kanan Pentadbiran, Puan Roziah Abdul Rahman, dalam ucapan alu-aluan semasa majlis penutupan, merakamkan ucapan tahniah dan syabas kepada Penyelaras

Kelas Aliran Agama serta semua guru Panitia Bahasa Arab atas penganjuran program yang berjaya ini. Beliau menzahirkan harapan agar program seumpama ini terus dilaksanakan bagi membina generasi pelajar yang bukan sahaja mahir berbahasa, tetapi juga berperibadi mulia dan berakhlak tinggi.

Turut hadir menyerikan majlis penutupan ialah Ustaz Mohd Fazli Syeikh Abdul Rahim, Penolong Pengarah Sektor Pendidikan Islam, Jabatan Pendidikan Wilayah Persekutuan Labuan. Beliau menzahirkan rasa berpuas hati terhadap pelaksanaan program, khususnya apabila melihat kesungguhan dan komitmen tinggi yang ditunjukkan oleh para peserta sepanjang program berlangsung.



Puan Roziah menyampaikan hadiah cenderahati kepada Ustazah Nur Hidayah selaku penyampai Perkongsian Inovasi BILAL sambil diperhatikan oleh Encik Kifli dan ustaz Mohd Fadzli dan ustaz Zainal serta ustaz Mohd Saifulizzan.




Encik Kifli menyampaikan hadiah Anugerah Terbaik Tilmiz kepada adik Ahmad Faris Fawwaz ambil diperhatikan oleh Puan Roziah dan ustaz Mohd Fadzli dan ustaz Zainal Abdul Wahab serta ustaz Mohd Saifulizzan.



Encik Kifli Awang Anak menyampaikan hadiah Anugerah Kumpulan Mentee Terbaik kepada adik Hafiz Zul Hakimsambil diperhatikan oleh Puan Roziah dan ustaz Mohd Fadzli dan ustaz Zainal serta ustaz Mohd Saifulizzan.



Encik Kifli menyampaikan hadiah Anugerah Terbaik Tilmizah kepada adik Rabiatul Adawiyahsambil diperhatikan oleh Puan Roziah dan ustaz Mohd Fadzli dan ustaz Zainal Abdul Wahab serta ustaz Mohd Saifulizzan Mat Yasin.



Adik Awatif Rania binti Zainal sedang menyampaikan penerangan INOVASI MUJUSHI kepada peserta Mahattoh Zakiyah.



Ustazah Nur Hanani binti Mohd Nasir sedang memberikan penerangan kepada kumpulan mentor tentang Tarkib Idhofiy.



Ustazah Nur Hidayah binti Khairul Anuar sedang menyampaikan perkongsian inovasi BILAL kepada para peserta program.



Ustazah Siti Zamriah bersama kumpulan mentor Isim Isyarah dan peserta program di Mahattah Zakiyah di kelas 5 as-Syafie.



Sebahagian peserta program bergambar kenangan bersama bahan inovasi Kit Figure.